

۱ ۳ ۳ .) ۶ ~~~~~

اتبعون اهدكم سبيل الرشاد

صاحب و مدیر مسئول : ح . اشرف اویس

« تخمین ایندیکمیدن وعسکرلک اسالاس انقیاد وانتظام ومقام خلافت
« وسلطنته ارتباط تام دیمک اولدیفنک وبوصفتی حائر بولسانلرک سیاسی
« برطرفه برافرق بالکیز اسالارندن آله جقلری امری حرفیاً اجرا ونفسلری
« خاک پاک وطیک محافظه سنه تخصیص وفدا ایله مکلف بولندقلرندن بونک عکسنه
« حرکت ملت ومملکتته اهانت اوله جفنک وحقی بویولده حاث اولان تظاهرات
« نتیجه سیله درکه مترقب فرصت اولان دشمنک دون کیچه پای تحت سلطنت
« سنیه مزک قیوسنه قدر کلرک فرجه یاب دخول اولغه چالیشمی مهم برغونه
« عبرت اولدیفنک بتون عسا کر شاهانه مزه نشرینی واشبو اراده مزی پای
« تختمزده بولنان قطعات عسکریه من مواجهه سنده بالذات قرائت ایلمنی حریه
« ناظری وکیلته امر ایتدم . » ۶ تموز : ۱۳۲۸

محمد رشاد

صورت خط هما یوره . — بازار ابرتنی کونی مراسم مخصوصه ایله
باب عالیده قرائت اولوان خط هایون صورتی در :

« وزیر معالی سیرم غازی احمد مختار پاشا . سعید پاشا کوقوع استعفا سی
« جهتیله مسند صدارت اهلیت وکفایتکزه بناء عهدده روتکزه حاله
« ومقام مشیخت اسلامیه جمال الدین افندی عهدده استیبالته تفویض اولمشدر .
« قانون اساسینک یکر می یدنجی ماده سی موجبنجه هیئت جدیدده وکلانک
« انتخاب وعرضنی اراده وبعض عملرده ، خصوصیه آرنا وودلقده عدم
« خشنودییه وحدوث مشکلاته وشکایاته بادی اولان ، ماملاتک هیئت
« وکلاجه همان تحقیقیله ، غایر قانون معدلت احوالک ازاله سنه وتأمین افکار
« عمومیه خادم اوله جق تدابیر قانونیه ک اتخا ذینه ومملکت مزک سلامتی
« ومعناً وماده حصول ترقیاتی قانون اساسی احکامنه ولوازم مشروطیتیه
« فوق العاده رعایتیه متوقف اولدیفندن هیئت جدیدده وکلانک بوبابده دخی
« مساعی حیمت مندانه سنه انظار ایدرم . جناب حق حسن توفیقاته مظهر
« بیورسون آمین فی ۷ شعبان سنه ۱۳۳۰ فی ۹ تموز سنه ۱۳۲۸ »

محمد رشاد

یکی قابله لیستہ سی . — صدارته : احمد مختار پاشا ، مشیخته :
جمال الدین افندی ، شورای دولته : کامل ، عدلیه : حسین حلمی ،
داخلیه : فرید ، حربیه : ناظم ، مالیه : ضیا ، بحریه : محمود مختار ،
اوقافه : محمد فوزی ، نافعیه : داماد شریف ، زراعت ومعادن : رشید
پاشا لر ، معارفه : مستشار سعید بک ، خارجیه : نورادونکیان افندی
حضراتی .

عثمانی — ایتالیا محاربه سی :

آئیده کی معلومات دارالجهادده کی اسلام قوماندانلرینک اشغاری اوزرینه
حربیه نظارتندن عثمانی آژانسنه تبلیغ ایدیشدر :

طرابلس غرب :

۲۸ هزیرانه . — حزیرانک یکر می سکزنده بر آلا ی پیاده بر بطاریه
طوب وعرب سواریلرندن مرکب بردشمن قطعه سی بوکشدن جنوب استقامتنده
ایلرله رک بونوه ده کی قوت منزله محاربه ونتیجه ده فرار صورتیه استحقاملرینه
النجایتمش وآفشامه قدر قره دن مجاهدین اوزرینه طوب آتشی دوام ایشدر .
۱ تموز . — تموزک برنده خردن اول دشمنک سید سعیددن برلوا
ایله خروج وسفائن حربیه سیله قره دن متزایداً طوبجی بطاریه لرینک آتشی
حمایه سنده ساحلده کی سید علی استقامتیه ایلرلیله رک محل مذکور ی اشغال
ایتدی . طرفزدن مقابل تعرضلر اجرا ایدلدی ، بو محاربه ده خیلی تلفاتی وارد .
برجوق ایتالیان تفنکی مصادره اولندی . مجاهدینک شهدا ومجروحی مقداری
هوز معلوم اولوب ایکی طوبجی نفری مجروح اولمشدر .

هنان قلعہ :

۵-۶ تموز . — حربیه نظارتندن استخبارات قلمنه وارد اولمشدر :

میلون ومسلمانلرده ۲۰ - ۲۵ میلون راده سنده در . شو نقطه نظرندن
بوکون روسیه ده بولنان مسلمانلر نفس روس عنصرینه نسبة ایکنجی
درجه ده در .

روسیه ده مسلمانلرک بولندی برایات ، برقضا یوقدر ، مرکز حکومت
عد اولنان پترسبورغ ایله موسقواده مقیم مسلمانلرک عددی کوندن کونه تزیاد
ایتمکده در . جنوبه طوغری کیتدکجه هر شهر وقصبه ده برر اسلام محله سی وارد .
باشلوجه مسلمانلر ترکستان ، سبریا ، وسطی روسیه ایله لهستان قدیم
طرفلرنده ، جنوباً قریم ، شمالی قفقاسیه ایله ، طاغستان ، ماورای قفقاسیه ده
همکون ومتوطنلرلر .

روسلر قرالیجه قاترینه نک زمانندن بری روسیه مسلمانلرینی باشلوجه ایکی
قسمه ایلررق بولردن برینه برمدته قدر (عمری) دیکرینه (علی) مذهب
عنوائی وبرمشلردر .

خیر وشرینی تمیزایتمک کی قوه میزدن محروم اولیان مسلمانلرکندیلمرینه
ویریلان عنوان وسائرہ فی اصلا نظر دقت واعتباره آلیوب کافه سنک نقطه
نظری وحدت اسلامیه ورباطه لریده کلا طیبه توحید اولوب بولر حبل متین
کی دین مبین اسلامه صارلشلردر . وفرصت دوشدکجه روسلره بونی ایمادن
خالی قالرلر .

بوکون روسیه مسلمانلری هیئت مجموعه لرله کندیلمرینی « محمدی » بیایرلر .
مذاهب وآداب وآیین دینیہ لرینی جوامع شریفه ده ایفا ایلرلر . مع مایه سنی ،
شیعی دیه باشلوجه ایکی قسمه منقسم اولوب بوقسملرده اولکیسی حنفی ، شافعی
اونه کیسی ده - حنفی ، امامی ، شیخی وبابی کی فرقه لر ی میویدر . سنی
مذهبی اکثریتی ، شیعی اقلیتی تشکیل ایدر .

ملیتلرینه کلنجه ، بلااستثنا کانه سی ترکدر . بولر ترکمن ، چغتای ، تاتار ،
نوغای وآذربایجان لسانلرله متکلم اولوب بولسانلر ایسه اساساً ترکیه نک برر
لهجه لریدر .

بخارا وخیوه امارت وخانلنی احوال معلومه لرله روسیه نک نفوذ واداره
سیاسیه سی التنده بولندقلری نظراعتباره النجه روسیه مسلمانلری نفس روس
عنصرینک نصفی راده سنده اولیور .

شیون

دولت علیه :

بیاننامه هما یوره . — جمعه وجمعه ابرتنی کونلری قطعات عسکریه
ضابطان مواجهه سنده ایراد وبالعوم عسا کر شاهانه یه تبلیغ ایدیلن بیاننامه
حضرت پادشاهی در :
« عسکر

« هیئت وکلانک استعما سنه مبنی قاعده مشروطیتیه توفیقاً مجلس اعیان
« ومبعوثان ریئلرینک ملاحظاتی ده استماع ایتسکن صکره لوندره ده کی
« سفیر کبیر من توفیق پاشای مسند صدارته دعوت ایشدم . هیئت جدیدده
« وکلانک امور ومصالح دولته تجربه کار وتعاملیه مستقل بالرأی وهردرلو
« تأثیرات خصوصیه دن آزاده ذواتدن تشکیلی نزدیده مطلوب وملتمزدر .
« حال بوکه دونکی کون بعض ضابطان نامه اوله رق قانون اساسی احکامنه
« وهرکک رعایتله مکلف اولدینی حقوق مقدسه خلافت وسلطنته قارشی
« بعض مطالب وقوعه کلشدر .

« حقوق صریحه سلطنته وباشنده قوماندان اعظم صفتیه بن
« بولندیقم اردونک احکامنه یمن ایله مجبور اطاعت اولدینی قانون اساسییه
« منافی برطلب در میان ایدیه بک اردوی شاهانه ایچنده بر فرد عسکرک
« وجودینه قائل اولدیم حالده عددینک بی شبهه بک قلیل اولمی لازمکن برزمره
« نامه وقوعه کلش اولان مراجعتیه اشتراک ایدنلرک بعض سوء تفهیمات
« سائقه سیله وظیفه عسکریه لرینی بر آن ایچون اونوتمش بولنانلردن اوله جفنی

بوكون بعد نصف الليل بره دوغری دشمنك برطوریبدو فیلوسی بوغازمدخلته کیرمش وصوغانی دره ایله داردانوس استقامته قدرایلروله مشدر. سدالجردن ویریلن معلومات اوزرینه صوغانی وداردانوس منطقه لرده بولان بطاریه لرمن شدتله آتش آجش و یارم ساعت قدر دوام ایتمشدر. طوریدولردن ایکسینک بايقوش تپه اوکنده باتدینی اوراده کی طویچی قوماندانی ملازم حسن افسدی طرفدن خبر ویرلدیکی وواقع اولان مکرر سؤل اوزرینه اشب خبرک صحتده اصرار ایلدیکی و طیشاری به بالکر اوج طوریدولرک چیتدینی کوردلیدی و بو چیقان طوریدولرله سدالجر استحکاماتی آره سنده آتش تعاطی ایلدیکی و شمدی امروز جوارنده اون بش قدر ضیا کورلکده اولدینی معروضدر .

دول معظمیه نوطه . — حکومت عثمانیه دول معظمیه به تبلیغ ایتدیکی بر نوطه ده چناق قلعه بوغازینک کچید محلی برقات ده طارالتمش اولدینی وایتالیا فیلوسی طرفدن ایکنجی برهجوم وقوعده درحال تمامیه سد ایتک فکرنده بولندینی بیان ایتشدر .

یعنی :

ادریسک انزاسی . — صر غزنه لری ادریسک یکی بر هزمتی اخبار ایدیورلر . بو خائن ، امام محی حیدالدینک معارضلردن اولان سید ضیائینک حرکتندن بالاستفاده صیدا جوارنده بولان امامک قاندلری سید یوسف و سید انیب اوزرینه خونه سی صالیرمش ایسه : وقوع بولان مصادمه شدیدده ادریس منسوبی فنا منزه اوله رق ۹۰۰ تنک ایله اوج طوب براقی صورتیه بقیه السیوفی فرار ایلشدر .

قره طاغ :

تخصیصات . — قره طاغ حکومتی طرفدن حدود عثمانیه ده اولدقجه مهم تحشيدات عسکریه اجرا اولدینی کی روسیه حکومتیه ده بیوک براس تقراض عقد ایدیلجکی مستخبردر .

بلغارستان :

تخصیصات . — ریله دن جسر مصطفی پاشایه قدر امتداد ایدن عثمانی وبلغار حدودنده بلغارستانک تحشيدات اجرا ایتسی اوزرینه بلغارستانده کی عثمانی مصلحتکنداری بو تحشيداتک اسبابی سؤل ایتسی اوزرینه جواباً صوک به ازرده اجراسی متصور اولان بلغار مانورالری ایچون تدارکاتدن عبارت بولندینی بیلدرمشدر .

انکاتره :

لوندره جمعیت اسلامی سی مرکزنده بر اجتماع . — مصرده منتشر العلم رفیقزده اوقوندیفته کوره ، لوندره جمعیت اسلامی سی اعضاسندن فاضل محترم علی افندی حضرتلری ۲۳ حزیرانده « لوندره جمعیت اسلامی سی » اداره خانه سنده اجتماع ایدن مصرلی ، تورک ، افغانلی ، هندی ، مسلمانلردن مرکب برجم غفیر حضورنده ، انکایزلسایله غایت بلیغ برناطق ایراد ایتش . نطقلرنده بو صوک سنه لرده مسلمانلرک باشلرینه کان فلاکتلری تذکار ایدهرک بایبلان معاهده لرک پارچه لندینی ، ویریلن وعدلرک استخفاف ایدلدیکی تعداد ایدیور : آوستریا دولتی عثمانلینک تمامیت ملکیه و حقوق حکمرانی سی حمایه یتیمی تعهد ایتدیکی حالده بوسنه هر سکی یوتدی ؛ ۹۰۷ ده انکاتره ایله روسیه آره سنده منعقد معاهده لره رغماً ایرانی موسقوف آیاقلری آلنده چیکنده دی ، قائلر ایچنده بو وادلادی ، حالبوکه مذکور معاهده موجبجه ایران استقلالنک محافظه سی مقررایدی . جزائر قونفره سنده استقلالی تحت تأمینیه آلتان مراکش نه اولدی ؟ عثمانی مملکتنک استقلایت و تمامیت ملکیه سی محافظه خصوصنده وضع امضا ایدن دولتلردن بری اولان ایتالیا طرابلسک الحاقنه قدر تجاوز

ایتمکله اکنفا ایتیوب جزائر بحرسفیده قدر طمعی اوزاتدی ، منفقاً و برمش اولدقلری قراری وقانون دولتی چیکنده دی . خطیب محترم بالاخره مصره عطف نظر ایدهرک لوندره معاهده سنک ماده مخصوصه سی کوستره رک ، لدی الحاجه عساکر مصریه نک دولت عثمانیه امر و خدمته آماده اوله جنی تعهد ایدلدیکی حالده مخالفت ایدلدیکی ، لورد کچیزک مصره تعین اوله سنندن مقصد نه اولدینی بالتفصیل اسراربله شرح و بیان بیوردی . صوکراده هندستانده انکایزلرک مسلمانلره قارشى معامله لرندن بحث ایدهرک ، مسلمانلر ایچون خرسقیان دولتلردن هیچ برینه اعتماد قطعاً جائز اولدینی ، اورولک لیلرک مسلمانلر حقنده مسلکاری غلادستون مسلکی اولدینی ، غلادستونک « صلیک آلدینی هلاله اعلاه اولماز » سوزی هر اورولک دولتک اساس حرکاتی بولندینی ، « بزم بدختمغز افراقزده بخیارلغز ایسه اتفاقزده » اولدینی اوزدن اوزادی به ایضاح ایدهرک سامعینی تنور ایتدی و دیدی که « هر نه قدر آوروپالیر بزی تعصب ایله اتهام ایتسه لر بیله ، بزینه کندیمری محظه ایچون کندیمره اعتماد ایدلم . » بالاخره آوروپاده اسلاملر حقنده یازیلان اثرلر ، رسالهلر ، غزته لر ، بالخاصه انکاتره نک آمانی و باقان جمعیتک افکار و مقاصدینی ایضاح ایدهرک حاضرینی دهشت و حیرتلهر ایچنده براقشدر . طرابلس غرب و صراکش مجاهدلری ایچون قلاً و قلاباً معاوننده بولوبه اهل اسلامک خلاصنه خدمت ایدنلرک کافه سی خیر ایله یاد ایتدکن صوکره حاضرینی قرآن حضورنده یمین ایتک صورتیه اتحاد و اتفاقه دعوت ایتشدر . جمعیت اسلامییه بومهم خطبه نک مفصل بر صورتی طبع ایتدیره رک اوروپاده بولان بالعموم مسلمان قردشله توزیع ایتیمی تحت قراره آلمشدر .

روسیه

تخصیقات . — بو صوک سنه لرده روسیه حکومتی مسلمانلری پک زیاده تضییق ایدیور ، اودرجه که هرکس حیانتدن یزار برحاله کلدی . فقط چاره سز ، حریت واستقلال قدرنی بیلمه یلر اجنبی ظاملری التنده ایکله برک فریاد ایدهرک عمر سوروکله مک مجبوریتنده درلر . بوندن برسنه اول « بوی » قریه سنده کی مدرسه اسلامییه بلا سبب قاپاداش ، مدرس و معلملری توقیف اولونمشیدی . تمام برسنه بلا محاکمه حبس خانه لرده سوروندکن صوکره یچاره لرک شیمدی کیمسی ابکی آی ، کیمسی بش آی ده حبه محکوم اولشدر . الله ظالمه انصاف ویرسون دیمه یلم ، الله ملت اسلامییه ایقاط و مظهر انتباه بیورسون .

معارفیر بر مسلمانیه ضامنی . — اوقا بلده سنده وفات ایدن فاطمه خانم مسلمان مکتبلرینه صرف اولونقی اوزره یوز بیک روبله (بیک ایکوز الی ایرا) نقد و - قیمتی هنوز تقدیر ایدیله یمن - بر جوق مجوهراتی وصیت ایتک صورتیه جداً شایان تقدیر پک بیوک برجیت معارف و روانه کوسترمشلدر . جناب حق رحمت الهیه سنه مظهر ایلسون .

فاس :

فاسده فرانسو حمایه سی . — فاسده فرانسیز حمایه سنک نأسیسنه دائر اولان فرانسه - فاس معاهده نامه سنک تصدیق متضمن لایحه قانونیه جریده رسمییه ایله نشر اولوندینی بارسدن بیلدریلیور .

اخنمول . — ۱۷ تموز تا یخیله رباطدن پارسه اشعار ایدیور : « (صراکش) ایله (ام الریعه) موقعلری آره سنده کی (دکاله) منطقه سی کاملاً حال اختلالده در . محافظه صداقت ایدن حکام فراده مجبور قالمشدر . »

تصحیح . — ۲۰۲ نومرولو کچن هفته کی سبیل الرشادده « جالیمق » منظومه سنده ۱۴ نجی مصرعک نهایتده کی (عطالک) کله سی (عدالک) اوله جقدر . اوصورتله تصحیحی رجا اولنور .

مطبعة احمد احسان و شرکاسی مدیر مسئول : اشرف اویب